



наведи телефон

Лүимә сәрипос

04.12.2025
№ 23 (1353)

www.khanty-yasang.ru

Основана 11 февраля 1989 года

E-mail: gazeta@khanty-yasang.ru

Округув намхоталәт янытлылув!

5
9 ЛЕТ
ЮГРА



С. Ромбандеева вәрум хури

Ты хурит Хальүс район Саранпавыл сәлың хум пәслым блы. Тынакт Ханты-Мансийск үст сасса мирн нётмил вәрнэ Ассамблея депутаты́т сапрәни вәрыгласыт, йис мāt блнэ ос рүпитан сасса мāхум тәрвит вәрмаяныл урыл потыртасыт. Ты ляххал 4 лөпсыт ловиньтәлын.

Ты номерт ловиньтән:	Округ кўщажов «Мāнь Ыскве» урыл потыртас ▶ 2	Йис мāt пуссын нэпакн хансуңкве эрёгыт ▶ 4	Няврамыт Тāрыг пил урыл мōйт суссылтасыт ▶ 7
Венгр бйка мōйтыл мōйтыслум ▶ 8	Тав Хōрыңпāвилт самын патыс ▶ 10	95 тālэтыл янытлылүв! ▶ 13	Тāн бс сāv рүпитасыт ▶ 16



Округ кўщаюв «Мāнь Ёскве» урыл потыртас



Ищхйпың мāt вим хури

Округ кўщай Р.Н. Кухарук

Кāсың таквс ляххал тотнэ мāхум акван-агыглавет ос сāvсыр ханищтапыт вāрыглавет, ты вāрмаль руш лātңыл «Информационный мир Югры» лāваве. Ты тāl яныг таквс этпост онтоловхуйпловит щёс вāрыглавес, журналистыт Сургут ёсн вбвинытавёсыт. Тув ниласātтем хōтпа ялыс.

Овыл хōтал āлпыл пā-сыл ос этипāлаг мус «VK», «Телеграм» урыл, хумус тот мāнь тинат вāруңкве, хумус ляххалыт хансуңкве – ты урыл потырта-весёв ос ханищтавесёв. Ань йист мāхум ищхйпың лōпсыт маныр ловиньтаңкве, сунсуңкве таңхёгыт, хотьют урыл тāнанылн вāңкве пūмыщнуве, тох мāн вос хансёв, тох вос пōслёв.

Ань сāv мāхум ищхй-пың мāt хансёгыт, тинат пōслёгыт, матыр пūмыщ вāрмаль урыл потыртё-гыт, тāнти палтыланыл сāv мир атёгыт, тыил олн сёлёгыт. Ос хумус ўрга-лахтуңкве, штраф-олныл ул вос хасвёсыт, пуссын сākкон щирыл вāруңкве эри.

Мōтыт хōтал акв ном-тың хум Калининград ўсныл ёхталас, наме Михаил Новиков, тав «Крузенштерн» яныг

нāиңхāпыт капитаныг, кўщаиг рўпитас. Тот мāньлат пыгыт ос тōва āгит ханищтас. Ань такви рўпататэ урыл, хумус сāv мāхум ёт рўпитаңкве, хумус мāньлат хōтпат ханищтаңкве – мāхум ханищтым хōт-āti яласы, ты урыл потырты. Таве хунтлуңкве сака пūмыщ ос ёмас блыс.

Хōтальят юи-пāлт мāн, журналист-хōтпат, округ яныг кўщаюв Руслан Кухарук ёт потыртаңкве миначёв. Ты пресс-конфе-ренция блыс. Тот округ сāv пāлыл ляххал тотнэ хōт-пат ёхтысыт. Мāн ханты ос мāньщи редакциявныл ос тув ялсёв. Ам бвыл рядыт ўнлысум, кātум нōх-ālмыслум ос кўщаюв «Мāнь Ёскве» нāврамыт ўщлахтын мā урыл титыг-ласлум. Тав ты туй мōт кўщайт ёт Ясунтын ялыс, тот нāврамыт ёт ос тāна-ныл ханищтан хōтпат ёт

потыртас. Олнэ колыт, ёрнколыт суссаныл, хумус нāврамыт блэгыт, маныр вāруңкве ханищтавет.

Та порат āгит мāньщи супыл ос пыгыт пёс холыт лахрыл масхатсыт, пёс хумус ёнгысыт, таи мўй хōтпатын суссылтасыт. «Мāнь Ёскве» сыспалт вōр тйврыт пёс холыт мāкол ўнттувес ос та мувлахи норытыл пўсас вāрим блы. Тот ёнганыл вāрыглыяныл.

Ам ань округ кўщаюв Руслан Кухарук та урыл титыгласлум, тув ялме юи-пāлт тав маныр номсы? Маныр тот ос ёмщаквнун вāруңкве эри? **Руслан Николаевич** тох лāвыс:

– Ам тув ялмум юи-пāлт номтум татем ёмас, сымум щāгты, матъёмас тамле мā блы. Тот нāвра-мыт халанылт юртыңыщ блуңкве, акван-нётхатуңкве ханищтавет. Пыгыт ос āгит халанылт ос яныг-хōтпатын вос нётёгыт, онтас вос вāрёгыт, тыи ты ань йис порат сака ёрнэ вāрмаль. Тāн тот мāньщи ос саран лātңыл потыртаңкве ханищтавет.

Хуньт сāv мāt тамле лā-герит рўпитаңкве бвыл-тахтыгласыт ос сāvсыр кўщаитын уральтым тāн лап-пантвёсыт. «Мāнь Ёскве» тот ёмас кўщай ос рўпитан хōтпат бныщи, таимāгсыл ты тэлат саст-лаңкве вёрмияныл.

Ань тув туп Хāльёс район нāврамыт ўщлах-туңкве вивет. Мāн ань тащир вāруңкве номсёв, округувт блнэ нāврамыт ос тув виңкве вос вёрма-вет. Ос акв яныг вāрмаль – округ миркол пāлыл ты лагерын сāvнун олн тās-

туңкве эри, нāврамыт мāгсыл пуссын ёрнэ пор-масыт вос ёвтавет. Акваг матыр мāщтырлан мāгыс, ханищтахтын мāгыс ма-тыр-āti вос бныщёгыт. Сāvсыр пāлыл уральтан колыт мāгсыл нāпакыт хансуңкве мирколныл вос нётает, атиңк ань «Мāнь Ёскве» кўщай нән ос тот рўпитан мāхумн тох рўпата тōвылхаты. Тāнанылн нāврамыт ёт рўпитаңкве эри, сāvсыр отчет-нāпакыт вāрнэ мāг-сыл мōт хōтпат паттёв.

Анумн таи ёмас, тот яныг хōтпатын āгит ёнс-хатуңкве ос пыгыт ёрыг-хатуңкве, щаквщуңкве ханищтавет. Мāнь āги-рищквет ос пыгрищаквет яныгнун нāврамыт нупыл сунсёгыт, акван-нётхатё-гыт, тот пуссын акв кол-тāгыл холыт блэгыт. Пы-гыт тāнти мāныл, тāнти Родинаныл вуянтаңкве хāсёгыт. Тамле хōтпат янмалтым мāн мирув щёлыңыг блы! Анумн «Мāнь Ёсквет» сака ёмас блыс! Тот сака ёмас мāхум рўпитёгыт!

Округувт ос тамле ўщ-лахтын мāt мōт районыт вāруңкве эри, та мāң нāврамыт тāнти мāнылт ханты ос мāньщи олуп-сал вос пūмщалавет, щаквщуңкве вос ханищ-тавет.

Тамле потыр юи-пāлт мāн сыманув щāгтсыт, номтанув татем ёмасыт. Округ кўщаюв мāньщи олупса, мāньщи мāщтыр вāрмаль такви самыл кāсаластэ.

Галина КОНДИНА

www.khanty-yasang.ru



Руслан Кухарук колыт ёвтнэ тэла урыл китыгласлүв

Ювле хультум этпост Сургут үст округ яныг кўшай Руслан Кухарук ляххал тотнэ мэхум ёт хонтхатыглас. Тонт кўшай хум савсыр вәрмалит урыл китыглавес. Мән, «Лүймә сәрипос» ос «Ханты ясанг» газетагт рүпитан хөтпат, тув өс ялсүв.

Мөтыт 2026 талныл мән округувт мәнщи, ханты ос ёрн мэхум магсыл лильпи программа рүпитаңкве тах өвылтахты. Сосса мэхум очередин хөт хансуңкве патавет ос өлнэ кол округ янытыл манос туп тәнки өлнэ павланылт, үсанылт ёвтуңкве вөрмёгыт, та урыл Руслан Кухарук китыгласлүв.

Руслан Николаевич ювле лавыс:

– Лильпи программа тал котиль этпос өвыл хөтталныл рүпитаңкве тах өвылтахты. Ты элы-палт рүпитам программа хосыт мэхум кол ёвтнэ магсыл очередин 2014 тал мус туп хасвёсыт. Та пәсныл лов арыгкем тал ювле хультыс. Ань та мэхум пуссын кол ёвтуңкве нётвёсыт, рүпатав ты хосыт акваг вәрвес. Мэхум 50% савит субсидия-олныл майвёсыт, ат төвылхатам олныт тән ипотека щирыл висыт.

Лильпи программа пирмайтан элы-палт мән, Уполномоченный өлнэ нэ Людмила Алфёрова, сосса мэхум Ассамблея кўшай хум Еремей Айпин ос общественный организациятн хасхатам сосса мэхум ёт хонтхатыгласлүв ос ты вәрмалы урыл потыртасүв.

Ос мансавит щёмьят ань тәнки өлнэ кол ат өньщёгыт – пуссын ло-

виньтасанүв. Ань округув янытыл хўрум сөтыра атсәт арыгкем щёмьят ты очередин хасхатуңкве тах вөрмёгыт. Тонт мән кит лильпи тэла урыл ты нэпакн хассув, сосса мэхум мән 100% савит олныл тәстуңкве тах патыянүв, тән ипотека ул вос выгыт. Ос өлнэ кол тәнки өлнэ районуыт манос үсыт вос ёвтэгыт. Ты элы-палт сосса щёмьят округ янытыл өлнэ колыт ёвтсыт. Тамле тэла мән таимәгсыл ань вәрсүв. Павылт өлнэ сосса мэхум мән павылныл яныг үсн ул вос вәнтлэгыт ос тәнки мāt пёс йис вәрмалит нөх-вөрмалтым вос өлэгыт, тән ты олнытыл тәнки районаныл янытыл кол ёвтуңкве манос үнттуңкве вөрмёгыт.

Нижевартовский районт «Новости Приобья» намба газетат рүпитан нэ Алсу Минязева китыглахтын латың өс өньшас. Тав лавыс, тән өлнэ мәнылт сав агит,



Округ кўшай Р.Н. Кухарук потырты

пыгыт сәлың сун ұлтта поргункве, тыньшаң рёпыгтаңкве, ошща йив-өвыл ёт хайтыгтаңкве ос акв мәныл элалы поргункве ос сәграп пәхвтуңкве хаништахтэгыт. Ты коныпал тот сәлың мэхум тәнки халанылт касуңкве өс вәтихал акван-атхатыглэгыт. Та районт өлнэ сосса щёмьят туй мәнхәпыл товункве ялантэгыт ос өвыл мёста акваг вуйлэгыт. Тынакт Аган павылт өлнэ ёрн пыг Атэй Лялькин Хабаровск үст мөт мәнътлат хөтпат халт касмёт, 950 щёс сәлың сун ұлтта порыгмас. Тыил савнув мән округувт нэмхотьют ат порыгмас, Атэй ань рекордсменыг хасвес. Лях-

хал тотнэ нэ китыглахтас, «охотничий биатлон» намба касыл мән округувт вәруңкве патаве манәти?

Кўшай хум лавыс:

– Мәнътлат пыг Атэй Лялькин тысәвит щёс сәлың сун ұлтта порыгмас, тыи сака яныг вәрмалы! Ам таве сымыңыщ янытылым!

Ты тўяг сәлың мэхум Ханты-Мансийск үсн ёхталасыт. Тонт нэ хөтпат, хум хөтпат Биатлонный центрыт ёсал хайтсыт, сәлыл кассыт, тамле касыл өс сака пұмәшиг өлыс.

Ам номсәгум, «Охотничий биатлон» намба касылы округ янытыл өлнэ мэхум магсыл вәрыглаңкве өс эри. Тамле рүпата вәрим, мән сосса мирыт пёс йис вәрмалы нөх-вөрмалтыянүв. Спорт ос физический культура департаментыт рүпитан мэхум ань тах лавиянум, хоты порат, хумус ты касыл щёпитәлуңкве эри, вос номсахтэгыт.

Людмила ТЕТКИНА



Йис мāt пуссын нэпакн хансуңкве эрэгыт

Ханты-Мансийск үст яныг таквс этпос вāt нупыл атыт хōталэт округувт соссa мирн нётмил вārнэ Ассамблея депутатыт сапрāни вāрыгласыт. Ты вāрмалы Ассамблея кўщай Еремей Айпин элалы тотыстэ. Тот пуссын аквѣт хōт тэла урыл потыр блыс.

Ты сапрāнит кўщайт йис мāt блнэ ос рўпитан соссa мāхум тārвит вārмалыныл урыл потыртасыт. Руц щирыл ты йис мā «Территории традиционного природопользования» лāвaвe. Сāвыңпālэ тамле мāt мā-вōй ос газ мāныл нōх-виве. Тот соссa мāхум щēmьяң тāгыл блэгыт. Ос тōва колтāглыт нефтяникыт эт соглашение-нэпакыт хансым ат оныщэгыт, тьи мāгыс компенсация-олныл ат ойтавет. Ты ос таимāгыс тох емтыс, тāн йис мāнаныл мāгыс регистрация-нэпак ат вāрыгласыт.

Ты хосыт Сургутский район миркол кўщайт тāн этаныл элалы соглашение-нэпак хансуңкве ат вөрмэгыт. Хоты йис мāt блнэ кол кўщай хотталы щалты манос мōт мāн блуңкве минас ке, тав йис мātэт нефтяникыт соглашение-нэпакыт тāра хот-пōилттэгыт. Тувыл ты щēmьят воссыг компенсация-олныл ат ойтавет.

Округ кўщайт мā-вōй нōх-винэ мāt блнэ соссa мāхум щēmьят пуссын ловиньтасаныл. Тувыл нефтяникыт палт пицма кётсыт, тāн этаныл соглашение-нэпак бс вос хасвес. Мā-вōй нōх-винэ граница мāt блнэ соссa мāхум бс олныл вос ойтвѣсыт.

Ань ты хōтал мус яныгсāt щēmьят нефтяникыт

эт соглашение-нэпак хаснэ вārмалы үрэгыт. Ос «Лукойл» нампа компания тāн этаныл нэпак хансуңкве ат вөрмэгыт. Тāн лāвнэныл щирыл, ты соссa щēmьят тāнки йис



Ассамблеян ёхтум кўщайт

мāнаныл регистрация ат оныщэгыт.

Ты сапрāнит кўщайт тамле вārмалы щēпитасыт. Ань йис мāt блнэ соссa мāхум лицензия-нэпак бщнэ мā-вōй нōх-винэ компаният границаныл палт хаснэ урыл лāтың тотсыт. Тувыл ос ань йис мāt туп федеральный вārмалы хосыт нэпакын хансуңкве рōви. Ты тэла мұхсалыг вārнэ мāгыс бс нэпак щēпитавес. Мансāвит соссa мāхум ань йис мāt блы, тāн пуссын хансавет. Тувыл элалы нефтяникыт, округ кўщайт ос федеральный властит



В.А. Дюдина потырты

миркол кўщайтн кётсаныл.

Тувыл **мōтыт хōтал** ос округ яныг кўщайт ос депутатыт пуссын яныг сапрāнин акван-атхатыгласыт. Тот тāн вāt нупыл хўрум сāвсыр тэлат урыл потыртасыт. Тāн халанылт шар мāk эрнэ олн лāкква-уртнэ сākкон хўрум тāлытн элалы пирмайтастыт.

акван-потыртахтым ты тэла эрнэ щирыл вāруңкве патыяныл.

Кўщайт потраныл хосыт, тāн ты вārмалит емщакв хансын правовой база ат оныщэгыт. Ты хосыт тōванакт округ кўщаянув, федеральный власть ос нефтяникыт халанылт потранылакван ат ёхтэгыт. Ань йис мāt эрнэ щирыл нэпакыт хаснэ мāгыс кўщайт методика щēпитаңкве потыртахтасыт.

Кўщай хōтпат тьи ос мōт потрыт пуссын нэпакын хассаныл ос округ Дума кўщайтн ос яныг

Округувт олн лāкква-уртнэ департамент кўщай нэ Вера Дюдина лāвме щирыл, йильпи тāлт сāвыңпālэ олныт блнэ колыт ўнттын, лēңхыт вārнэ ос мирн нётмил вārнэ мāгыс тас-тувес. Тувыл нāврамың щēmьят ос ань хōнтлын мāt яласан хōтпат, тāн щēmьяныл нётнэ мāгыс бс олн щēпитавес. Ань мирколт блум сапрāнит мāk тьи ос мōт тэлат пуссын пирмайтавѣсыт. Ос мōт щѣс депутатыт ты тāl ойгпан элы-пāлт акван-атхатыглэгыт тах.

Николай МЕРОВ

www.khanty-yasang.ru



Щәнь-әщ ләтңыл хансасыт

Мәнь таквс этпост 30 хөталэт Югра мәт ханищтахтын мәхумыт мәгыс яныг тэла вәрыглавес. Руш ләтңыл «Региональная олимпиада по родным языкам и литературе коренных малочисленных народов Севера» тамле нам ьнышас. Югра янытыл 9 ханищтахтын колңыл 65 элумхөлас тамле вәрмалит хансасыт.

Мәхумыт мәньщи, ханты ос ёрн ләтңыл хансасыт. Мәньщи ләтңыл 21 элумхөлас, ханты ләтңыл 39, тувыл ёрн ләтңыл 5 элумхөлас. Тамле тэлат щәнь-әщ ләтңыл Советский, Белоярский, Игримский политехнический колледжит ос Колледж-интернат Центра искусств для одарённых детей Севера ханищтахтын мәньлат хөтпат хансасыт.

Ам колледжит ханищтахтын мәньлат хөтпат ёт потыртасум. Тән ёмталам нак урыл ләтың ләвсыт.

Өвыл места **Анна Шашкина** вистэ. Тав мәньщи әги, такви Саранпавлыныл ьлы. Ань Белоярский колледжит нилыт курсыт тэнут вәрнэ хөтпаг ханищтахты. Тав тох ләвыс:

– Мәньщи ләтың ам мощ торгамтэгум. Ишколат ханищтахтамум порат Светлана Савельевна

Мерова мәньщи ләтңыл мәнав ханищтасанэ. Ты вәрмалит ам хурмит щёс хансэгум. Китыглахтын ләтңыт мощ тәрвитаңыт ьлсыт. Тәмле китыглахтын ләтңыл аңум пұмашиг ьлсыт. Ань ләвёгум: учёный урыл, акв ләтңыл мөт ләтңыл толмашлалуңкве, тувыл ребусыт Югра ьлнэ мәт сәвсыр пилыт урыл ханьшуңкве. Ловиньтым лөпсыт ам Юван Николаевич Шесталов урыл потыр хансасым. Ам щәгтым ьлэгум, вёрмысым номтанум мәгыс нөх-патуңкве.

Китыт местал **Ксения Енина** майвес. Тав Белоярский колледжит ьвыл курсыт воспитателиг ханищтахты. Восыңтүр павлыныл ьлы. Ёмталам нак урыл ләтың ләвыс.

– Ам ишколамт Антонина Павловна Глушанкова ос Роза Семёновна Новыхова мәньщи ләт-



Мәньлат әгит хансэгыт



Мәньщи әги Даша Дунаева

ңыл ханищтавёсум. Тэна-тэң пұмашипа ләтың ләвёгум. Ишколат ханищтахтым порат тамле тэлат сәв щёс хансасум. Таңхёгум, нйврамыт щәнь-әщ ләтңыл кәсың хөтал вөс потыртэгыт. Ты олимпиада хансуңкве тәрвитаң ьлыс. Ам ләтың мощшаквнун торгамтэгум. Юван Шесталов ос мөт нэпак хаснэ хөтпат урыл ләтңыт пұмашиг ьлсыт.

Ос хурмит места **Дарья Дунаева** вистэ. Тав Советский колледжит нилыт курсыт тэнут вәрнэ хөтпаг ханищтахты. Такви Свердловский областил Висма павлыныл ьлы, тав тох ләвыс:

– Тамле вәрмалит ам ьвыл щёс хансасым. Тот

мәньщи ләтың урыл сәвсыр китыглахтын тэлат ьлсыт. Ам номсэгум, тамле щәнь-әщ ләтың вәрнэ вәрмалит нётэгыт ләтың лылыңыг ьлуңкве.

Ханты ләтңыл **Анастасия Афанасьева** ьвыл места вистэ, китыт **Мария Федоркив**, тувыл хурмит-Валерия Новыхова.

Пуссын щәнь-әщ ләтңыл хаснэ вәрмалит Асугорский институтта рұпитан мәхумыт вәрсыт. Мәньлат хөтпат сертификат-нэпакыл майвёсыт.

Матьёмас тамле вәрмаль кәсың тәл вәраве. Мәхумыт щәнь-әщ ләтңаныл элаль тотуңкве патыяныл.

Галина ДУНАЕВА



Советский ўст ьлнэ ханищтахтын кол



Пұльницан уральтахтуңкве ёхталэн

Мәләл Коғалым үст соссә мәхум янығ конференциян акван-атхатығласыт. Та порат округ пұльницат ләккарығ рүпитан нә Юлия Ахметшина тув ёхталас. Тав соссә мәхум элы-пәлт доклад-нәпак ловиньтас. Элын өлнә пәвлытт ос тәнти мәнылт өлнә соссә мәхум пусмалтан вәрмаяныл хумлег өлы, тав ты урыл потыртас.

Юлия Ахметшина ләвме щирыл, округув мәтә янығ, тыт пуссын аквәёт акв млн сәтсәт сөтыра арыгтем элумхөлас хансым өлы. Тән халанылт хантыт ос мәныщит кит процент сәвит. Сәвыңпәлэ соссә мәхум элын үнлын пәвлытт өлэҕыт. Ләккарытн тән палтаныл ёхтуңкве тәрвитың. Тувыл ты мәхум тәнки өс мөрсың порат пұльницан уральтахтуңкве ялантэҕыт. Юи-өвыл хөтал мус әгмтахтым вәритэҕыт. Хунь щар люлиг ёмты, тәнт уцта пұльницан нәглэҕыт.

Мән округувт кәсың районытт ос үсытт пұльницат өлэҕыт. Тот мәхум әгманыл хұлнэныл порат өвыл щёс тәра нәтуңкве вөрмавет. Ты коньпал Ханты-Мансийск, Сургут, Нижневартовск, Нефтеюганск ос Нягань үсытт ищхыпың утыл вәрим ат янығ пұльницат рүпитэҕыт.

Яныгсәткөм сәвит элумхөлас өлнә мәнь пәвлытыт хөтпат уральтахтын мәгыс мәнь пұльницакөлыт щёпитым өлэҕыт. Овлэт тот уральтахтуңкве эри. Матарын ке әгмың, тәнт ләккарын направление-нәпакыл мивән. Тувыл уц янығ пұльницан уральтахтуңкв ёхтуңкврөви.

Ювле хультум ат тәл

сыс округувт мәнь пәвлытт атпан нупыл кит мәнь пұльница көлыт хотщёпитавёсыт. Ты коньпал элын үнлын пәвлытт өлнә мәхум пусмалтахтын мәгыс сәтхуйпов йильпи пұльницат үнттувёсыт.

Хәльүст перинатальный центр көл өс ёмщакв вәрвес. Тот тәрвитыңыщ өлнә нэтын нәтмил вәраве. Тән тәрвитыңыщ өлнэныл порат, тот сунсыглавет ос хұлтыглавет. Ос хунь нә нявраме самын паты, тав өс акваг уральтым өныщаве.

Тувыл ос ань «Продуктивная и активная жизнь» намба национальный проект элалы тотаве. Элумхөлас элалы сәв тәл пустаҕыл вос өлыс, тымәгыс ёмас пусмал-



Ләккар нә Ю. Ахметшина

тан колнакыт вәравет. Хөтпа матыр әгм өныщи манос әти, тав молях тәра-паттаве.

Тымәгыс ләккар хөтпат вәтихал диспансеризациян мәхум вөвияныл. Тот элумхөлас әгме сәртыннув тәра-паттуңкве вөрмаве. Ты тәла хосыт 18-39 тәл яныт мәхум хұрум тәл сыс акв щёс пұльницат сунсавет. Налыман тәл төвлын ос тыгыл яныгнув мәхумн кәсың тәл пұльницат уральтахтуңкве эри. Ләккарыт сәвыңпәлэ сым әгм, хөпсы әгм ос пув-

ласпи әгмыт хөнтнә магыс мәхум уральтэҕыт. Ты әгмыл мән мәвт вәтихал ёмталаңкве патсыт.

Ты коньпал кәсың туйт хосыт мәнь пәвлытын «Николай Пирогов» намба нәиңхәп ләккарың тәгыл мәхум уральтахтуңкве ялантэҕыт. Тот өс сәвсыр ләккарыт рүпитэҕыт. Нәиңхәп колнакыт ищхыпың утыл вәрим өлэҕыт. Нәиңхәп тармыл ләккарыт лабораторный, ультразвуковой, эндоскопический анализыт ос рентгеновский диагностикат сунсэҕыт, кәлпвыгыт, операция өс вәрэҕыт. Ты нәиңхәп туйт сыс атпан нупыл нәлолов пәвлытын яланты.

Тувыл 2026 тәлт мир пусмалтым өс акв йильпи нәиңхәп витын тәратаве. Тот вәт нупыл ат ләккар рүпитаңкве паты. Тән аквторыг атпан сәвит элумхөлас уральтахтуңкве вөрмәҕыт тах. Тәлы порат ос янығ машинат ләккарың тәгыл тәлы ләңх хосыт пәвлытын ялантэҕыт.



Мәхум потыр хұнтлэҕыт

Николай МЕРОВ

www.khanty-yasang.ru



Няврамыт Тāрыг пил урыл мōйт суссылтасыт

Советский ўст «Ромашка» мāнь
няврамыт ўргалан колт вāтихал
сāвсыр ялпың хōталыл вāрыглавет.
Таквсы пора оигпам элы-пāлт
«Непоседы» наппа группан ялантан
няврамыт «Тāрыг пил» мōйт оманылн,
āтиянылн суссылтасыт. Ты пūмаш мōйт
Татьяна Кирюшатова хансы.

Овлэт āгиришит нётнэ мāньщи ййкв
ййксыт. Ты юи-пāлт воспитатель нэ Татьяна
Николаевна Спасенникова лāвыс: «Мāн пūмаш
мōйт нāнāн аньтах суссылтэв». Тыт сāңквылтап
тāн суйтуңкве патыс, мōйт та овылтахтас:



Няврамыт мōйт суссылтэгыт

«Тāрыг пил» мōйт

Келыг хосыт Тāрыг тыгле-тувле
ёмыгыт. Ёмыгтымётыл матыр ак-
ваг та сунсыглы, матаре та кинсы.
Сунсы, порыгпанэква тав пōхёт та
порги, та воки.

«Наң маныртыт вāрэгын, манрыг
рэгын мāн ат минэгын?» Тāрыг
лāви: «Хунь пил тэгум, тōнт уш
минэгум». Порыгпанэква ос та ки-
тыглахты: «Хоты пил наң тэңкве
таңхэгын?»

Тāрыг лāви: «Тāрыг пил». По-
рыгпанэква номсы: «Ам хосат тыт
олэгум, тамле пил ат вāщиньтасум,
ат тэщиньтасум». Ос Тāрыг ювле
лāви: «Наң мощ ўрхатэн, тыил тах
кāсалэгын». Порыгпанэква поргим
элаль та минас.

Тувыл сōвыркве ёхтыгпас. Тāрыг
нупыл та сунсы ос лāви: «Наң маныр
тыт вāрэгын, рэгын мāн манрыг ат
тыламлэгын?»

«Ань минуңкв ат вёрмэгум, хунь
тāрыг пил тэпьялэгум, уш тылам-
лэгум». Сōвыркве китыглахты:
«Манхурит пилкве?». Тāрыг ювле
лāви: «Тāрыг пилкве». Сōвыркве
номсы: «Ам акваг тыт олэгум,
тамле пил ат вāщиньтасум, ат
тэщиньтасум». «Наң тах кāсалылн,
хунь тах пил понсуңкве патыс», –
Тāрыг лāви. Сōвыркве элаль та
хāйтыс.

Тыт ос охсыр ёхтыгпас, Тāрыг тав
лэге туп кāсаластэ. Ос та китыглаве:
«Наң маныр тыт вāрэгын, рэгын
мāн манрыг ат минэгын?»

«Ам тāрыг пил тэгум, та юи-пāлт
уш тах минэгум. Охсар номсы: «Тыт
яныгмам пилыт ам пуссын вāганум
ос тāрыг пилкве ат вāщиньтасум, ат
тэщиньтасум».

«Ты пилкве ань тах кāсалэгын»,
– Тāрыг лāви. Охсар молях элаль
та хāйтыс. Тāрыг сāңквылпунк
пōхыт тыгле-тувле та ёми, ос
матыр акваг та сунсыглы, матаре
та кинсы. Ос лāвыс: «Мощёрт тāрыг
пилквет ты понсэгыт». Тōрум нупыл
āңкватāлы, сунсы хōталакве такем
постуңкве патыс. Тыт сāңквылпун-
кыт пилыт та кāсаласанэ, сāңквыл-
пилыт та понсысыт. Тāрыг пил мощ
тэс, нōх та тыламлас. Ос рōңхув-
лас: «Хоса яласаңкве патэгум,
тўя ёхты тōнт ювле тах ёхтэгум».
Тыт порыгпанэква, сōвыркве ос
охсар тāрыг пил тэңкве келыг мāн
ёхтыгпасыт».

Тāрыг эл миннэ элы-пāлт сāңкв-
лыпил тэг, тыимāгсыл тāрыг пилыг
лāваве. Ты пилкве ёмас вāрмаль
вāри, ёр мыг ос сāвсыр āгм пусмал-
ты. Тамле пūмаш мōйт няврамыт
щāнянылн-āщанылн та суссылтасыт.

Ты юи-пāлт няврамыт сāңквыл-
пил урыл эрыг эргысыт, акв лōмтэ
руш лātңыл, мōтанэ - мāньщи
лātңыл. Ялпың хōтал оигпам элы-
пāлт няврамыт сāвсыр пūмаш
ёнгилыл ёнгалтавёсыт, ос пилыт,
товлыңўит урыл āмшил āмщувё-
сыт.

Тōрум ёт олэн, пус кāt, пус лāгыл
олэн!

Дарья АМЕНТЬЕВА



Ёнгум няврамыт ос щāнь-āщит



Венгр ойка мыйтыл мыйтыслум

Ам туй Кимкьясуй павылн Ялмум порат Тамара Семёновна Мезенцева ёт хонтхатыгласум. Тав тот рўтанэ палт мўйлым яласас, Надежда Ермиловна Лыткина палт блыс. Сака ёмас, потрың, ошхулиң хотпа.

Тамара Семёновна, Надежда Ермиловна ос ам, мән Елена Николаевна Таратова палт ялсўв, тав мәнав колэн вōвыгласанэ. Мән тот мощ потрамасўв, щай айсўв, ўнлахолсўв. Тамара Семёновна сав савсыр потыр потыртас, акв потре ты урыл блыс:

– Нйврамыт нупыл мощ мōлал-нуп потырталсум. Ам палтум венгр ёхтыс, аппаратың-лўтың тāгыл. Коланув наң пēs колыт, яныгсатарыг тāлыг ёмтыс, Аньят ўнлын колум.

Юв тышир ты мокрылы, нōх кос лўлюс, пуңкётыл та вāщкхатас.

– Ави сōплан?

– Ати, колалан. Карыс ойка блыс. Аппаратанэ щёпитас, вāрыс, ам таве мыйтыл мыйтыслум, потырыл потыртаслум, ошхулил вāрыслум. Астысамён, ам тәнут пайтсум, лўтсум. Яныг сорт хўл пуңкыл пайтыслум. Ам лāвёгум: «Ийен ам ётум тэпьялэн. Мōлхотал ат тэсын, хўрмит хотал ат тэсын, тэтāl акваг та минёгын. Тэпьялаңкв эри. Ийен тэпьялэн».

Щар ат кāсаци. Ам лāвёгум: «Наң мāгсылын намыл пайтсум, наңын тыттўнкве. Пўрлахтэн, элы лёңхын ёмасыг вос ёмты». Тав лāви: «Ам тэпьяласум». Ам хот-кантмаявёсум, лāвёгум: «Ам лāвсум, тэпьялэн! - лāглум мощ ёл-кумрасāласлум, - Ат ке тэгын, кон квālэгын, āви сыспāлт, Мёңкв ойка лўли, лāгылпатта, вāй патта пумыл тах сўпын тāглэ тохраве. Тышир ты айсалахтуңкв патэгын тах. Самагын тах āла кон-рагатэ. Тох и номсэн».

Тымус Тамара Семёновна самагётыл суссылты, хумыс тах



Т.С. Мезенцева, В.Д. Саратина, Г.П. Тосманова нйврамаге Аня ос Вова. 2000 тāлыт порат

вохыльтаңкв паты. Тувыл нэ элал потырты: «Венгр ойка рохтыс, лāви, тōвлы, тэпьялэгум».

Тэпьялаңкв ўнттыслум, лāви: «Ой, маныр атың! Такем атың хўлкве! Мән тох ат пайтэв, мән помидорыт, савсыр тэнутыт тув пинэв. Нāн исмитын тай такем та атың!» Ам лāвёгум: «Ань тэпьяласын, ёмас ты! Кон-квālэгын, нэмхотыютын ат новавен. Ёмас элы лёңхыл тах минёгын».

Кит-хўрум хотал ам ётум рўпитас-рўпитас, ат тэг.

– Ос аманрыг ат тэг? Икщамты?

– Ат икщамтас, эссамты. Венгр хум, тавён налыманахкем тāl блыс. Ань лов арыгкем тāлыг ул ёмтыс. Тувыл Марина Сергеевна Вынгилева палт ювле минас, ам палтум тав кётыгласэ. Та элы-пāлт Марина Сергеевна лāви ос таве лāвитэ: «Наң тэпьялэн, сысы ул минэн». Тав лāви: «Столоваят тэпьяласум, тот тэпьяласум, ам сыт». Тувыл ос лāви: «Тэпьялэгум. Ам нāн пāвлынт Аньят олсум, тот Тамара Семёновнан такем та рохтуптавёсум».

– Нйра пумыл сўпаст тохрыг-танэныл рохтыс?

– Вāй патта пумыл пухмаве. Лāви: «Ам рохтысум, тэпьялэгум».

Тувыл тав ос тох ты лāви: «Ань минёгын ёмас лёңхыл тах».

Адресэ мāнавн хўлигласэ, ам записной книжкан пинислум, вёнгрум та ёрувласлум. Тōванакт номылматыглылум: ам лāвёгум, - маныр вāрёгын мāныщи лātңыл?

Тав лāви: «Нāн лātңын ханищ-таңкв патэв». Ам лāвсум: «Тээ».

Аkv руц āги ёхталас Саран-пāвил мус, ам ос хōнтыгласлум таве Ханты-Мансийскат. Акв лāтың руц лāтың ат лāгалāлас! Мән потыртэв - руц лāтың тув тўщтыгпёв, ос потыртэв - руц лāтың та тēлапи потыр халыт. Тав ос акв лāтың руц лātңыл āти. Ам, лāви, туп английский вāгум ос мāныщи лāтың. Москваныл олум āги. (Амки ротаг номсэгум: ул урккен, аквтыпыл, руц лāтың вāг). Мāныщи лātңыл щар сака ёмашакв потырты.

Мāхумаквет, нйвраманын мāныщи лātңыл ханищтэн, юн торген щāнь лātңыл потыртэн. Кāсың хотпа такви лātңе вос вāгтэ.

Анна АЛГАДЬЕВА



Мăньщи лăтың – нётнэ лăтыңакве

Тынакт газета вăрнэ колувн Мария Сатина щалтсас. Ты мăньлат аги ăвылтыт мән газетат хансыгласу, тав Москва ўст ăлы, МГУ колт ханищтахты. Мария мăньщи лăтнұв ханищтытэ, ань мощ потырты. Элалъ наука щирыл рўпитаңкве номсы, лăтнұв мăгыс сăв эрнэ тэлат вăри. Аги тэлатэ урыл китыгласлұв, тав щăгтым потыртас.

– Ань тыг, Ханты-Мансийск ўсн, ам щăнь лăтың урыл вăрнэ хонтхатыглапұв тэланэ тăрапаттын мăгыс ёхтысум. Таве вăт сăграпнал этпос 11-12 хоталыг кастыл щёпитылұв. Ты ювле хуль-тум тăлытыт мән ищхйпың утын мăньщи лăтнұт ос предложеният хансэв, тув акв мән атыянұв, тўлыянұв. Ты тэла руц щирыл лăваве «Цифровой корпус мансийского языка». Мән тот ань сăв хотпа рўпитэв. Руц лăтнұт ос потыр-охсат мăньщи лăтнұг толмашлыянұв. Тованув сунсэгыт, лăтнұт аман соль ёмашакв хасвёсыт. Ати те сака ёмас, эрнэ щирыл хансыянұв.

Тув иң сăв мăньщи лăтың ос потыр-охсат хансуңкве эри. Тувыл ищхйпың ут лăтнұв вăңкве патытэ, хонха пўмшалахты, мән лăтнұв

ханищтытэ, тот матыр-ати пуссын хонтыгпи. Руц лăтың мăньщи лăтнұг толмашлаве манос мăньщи лăтың руц лăтнұг.

Ань ты хонтхатыглапұв мән ты тэла вăрнэ мăхум пуссын янытлыянұв тах, сака сăв нэ ос хум хотпат. Тăн халанылт янгыщ мăньщи лăтың вăнэ мăхумақвет. Матьёмас ты тэла палт вуйхатасыт, акван-нётхатым мән сăв тэлат вăрсұв, ань тыхотал мус иң рўпитэв, цифровой корпус капай мăньщи лăтнұл атылұв. Мăньщи лăтың – сака нётнэ, вит холът ови, эрыг холът суйты.

– Мария, наң туи Саранпăвил ляпат ăлнэ «Мăнь Ыскве» нъяврамыт ўшлахтын мән ялсын, тот ăлуңкве наңын мўстыс?

– Вăим, мўстыс, тот нётнэ мă кăсаласум, мăньщи лăтың вăнэ мăхум ёт вăйхатасум, потрамасум. Ты мă щёпита м хотпат сăв рўпитэгыт, ань мăнь мăхум тăнти лăтнұныл вос ханищтыяныл, пёс ăлұпса вос вăганыл, пўмшалаыныл.

Ам лăтың ханищтан поран ликмысум, руц щирыл лăвияныл «Языковая смена». Мён мăньщи нэ Галина Рудольфовна Кондина ёт нъяврамыт мăньщи лăтнұл потыртаңкве ханищтасанмён. Ам таи кăсаласум, агирищит-пыгри-



М. Сатина, Ясунт пăвилт

щит тăнти лăтнұныл щăгтым ханищтасаныл, майлам заданиямён молях вăрапияныл, пўмшалахтэгыт. Яныгхотпат ăс пуссын мăньщи лăтнұл потыртасыт. Тувыл мән щаквщисұв, ам супохса юнтсум, мăньщи хўрыгсов юнтсум.

Та мән ам ăвыл щёс ялсум. Миннэ лёңханыл сака хоса, ос кăсың мăt ам ўрвёсум, нётвёсум, кос Хăльўст, Саранпăвилт ман Ясунтыт. Тăнанылн ам яныг пўмашипа лăтың лăвёгум. Матьёмас мăньщи лăтың суйты, мăхум потыртэгыт, нъяврамытн ханищтаве. Пуссын пус кăt, пус ăлэнь!

Светлана РОМБАНДЕЕВА



Р.Н. Кухарук ос «Мăнь Ыскве» мăхум





Тав Хөрыңпавылт самын патыс

Ты хурит мәньщи нэ Людмила Рудольфовна Меровва пöслым öлы. Тав колтáглэ ёт Ханты-Мансийск үст öлы, сáв тáл мáнь лёккарыг рүпиты. Таквсы Людмила Рудольфовна 60 тáлэ тöвлыс. Мáн тав ётэ потрамасүв, китыглахтасүв, хоты рүтныл öлы, хөт ханищтахтас, ань хөт рүпиты. Нáн ань элаль тав потре ловиньтэлың.

– Ам школа áстламум юи-пáлт Тюмень үсн минасум, тот медицинский училищат мáнь лёккарыг ханищтахтасум. Та үст вáт нупыл хүрум тáл арыгтем öлсум, пүльницат рүпитасум. Тувыл колтáглум ёттыгле, Ханты-Мансийск үсн, вáнтлысум. Акв тáл терапият рүпитасум, тувыл «Комплексный центр социального обслуживания населения» колн патхатасум. Ты колт рүпитанэм сáтхуйплов тáлыг ты ёмтыс, мáхум массажил вáрия-нум. Хотьютаныл кáтаныл-лáгла-ныл, сысаныл áгмыңыт, массажил вáриянүв. Яныгхөтпатн ос áгмың-мосың элумхóласытн ты щирыл нётуңкве эри, тувыл тáн пустагыл ёмыгтаңкве патэгыт.

– Ты рүпатан тáрвитың?

– Öвыл тáл, вáим, тáрвитың öлыс, ань тай массаж вáруңкве хань-щувласум. Тöват таңхёгыт, тáнаныл молях вос пусмалтыянүв. Тюмень үст токсикология отделеният рү-питасум. Тот лüль матыр таяпан манос аялан мáхум пусмалтавёсыт. Тöва хөтпа лüль лáхс тэг, тöва ос уксус аялы, няврамыт хащтáл тэрпит аялэгыт. Тöванакт элумхó-лас ялпыңуйин тöвмасаве манос мáвáрупн тüşтыгпаве. Ань үс яныг, мир сáв, пүльницан сáв хөтпа то-

таве, тэрпиң юнтупыл тüşтыянүв, тэрпиң капельницатыл вáриянүв. Тöнт ам тасáвит элумхóлас савалап вáсум, тöват иң мáньлат хөтпат, яныг сав тотсыт, маттем та пусмалтавет.

Таимáгыс матыр-áти мори тáя-паңкве, аялаңкве ат эри, үргалах-тым öлэн. Пуссын пустагыл вос öлсыт, матыр витаминат тэңкве эри, пил, хүл. Ань хүл торың ат вáщинтáлэв, пувуңкве ат тáртавёв. Мáн яныгмамув порат, щаквит айсув, хүл, нёвыль, пил тэсүв.

– Наң хотыл öлэгың?

– Ам мáнь таквс этпос 31 хөталэт 1965 тáлт Хáльүс район щар амти Хөрыңпáвлумтсамын патсум. Омам Аксинья Степановна, такви öпарищ наме Анямова. Áтям Рудольф Васильевич Меров. Саранпáвыл школатханищтахтасум, интернатыт öлсум. Каникулыт порат áтявн юв моторхáпыл тотавёв, тэлы ос омав лувыл ёхты, лувыл минэв. Вáил, нýрал, сахил, мольщáныл масхатэв.

Хөрыңпáвлув яныг öлыс. Лáпка, пёкарня ос лёккар колнак öлыс. Пáвыл мáхум пуссын мáньщи лáтңыл потыртасүв. Сáнтыр áквум, омам тав ные, акваг мöйтыс, áмщис. Омам öс сáв мöйт ос пёс йис по-тыр вáс. Омагум-áтягум нёлолов нýврам янмалтасыг – ат áги, хүрум



Л.Р. Мёрова

пыг. – Катя, Тася, Таня, ам, Владик, Коля, Алёша ос Галя.

– Людмила Рудольфовна, наң оман мáщтыр нэ öлыс, пёс щи-рыл матыр-áти юнтыс, щаквщис. Мáньщи маснут-пормас юнтэгың?

– Мён омамёнтыл акваг матыр юнтсумён. Омам мáньщи супыт, вáтаң тöрыт ос áпат юнтыс, мáхум тавён áпат вáрылтасыт. Ам ань мáньщи супыт юнтэгум. Áтям öс такви хáпыт, түпыт, коснэйивыт, пум сáгрын тёрыт, сáграпналыт ос мöтан, маныр эрыс, такви вáрыс.

Людмила Рудольфовна хөтпа нупыл сымың нэ. Тав кит áги ян-малтас. Яныг áгитэ наме Настя, Тюмень үст öлы, кит нýврам öньщи. Мáнь áгитэ Люция Ханты-Мансийск үст öлы, «Октябрь» колт рүпиты.

Мáн, газета вáрнэ мáхум, Люд-мила Рудольфовна намхөталэт янытлыу! Сáв тáл пус кáт, пус лáгыл вос öлы, Нáй-Öтыранэн вос үргалаве!

Светлана РОМБАНДЕЕВА



Л.Р. Меровва рүпиты



Л.Р. Меровва áгияге, вáпсэ ос апаге ёт намхөталэт янытлаве



Нэ Хальүс вәрмалит өвылтыт потыртас

Хальүст ханты нэ Любовь Васильевна Кашлатова ҕлы. Тав тот сав тал «Югра лылыеп» ассоциацият сосса мирн нётым рүпитас. Тувыл сав тал архив кол магыс сосса махум ҕлнэ-хүлнэ тэлат урыл хансыс, пёс потрыт ос мөйтыт акван-атыс.

Ань Любовь Васильевна пенсия олн вуим ҕлы. Ос ты общественный рүпата вәруңке манылат хөтпат ханищтыанэ. Тав сосса махумн нётмил вәрнэ рүпататэ ат хуль-туптастэ. Тынакт тав Хальүс районт «Совет старейшин» палт кұшаиг рүпиты. Тот тән яныгпала хөтпат хультыглыяныл, маныр ҕлупса тәрвитыт тән ҕныщёгыт, та хосыт нётыяныл.

Мәлал Когалым үст сосса махум яныг конференциян акван-атхатыгласыт. Любовь Васильевна тув ҕс ялыс. Төнт тав Хальүст атхатыглам төва вәрмалит урыл потыртас. Нэ лавыс:

– Ань ты тал Хальүс районт Юбилей таланыл төвлын яныгпала хөтпат магыс ёмас щирыл мүйлын вәрмалит ат вәрыгла-ве. Сартын Юбилей хөтал кастыл элүмхөлас магыс пасан щёпиталвес. Тот

касың хөтпа ҕлупсатэ урыл потыртавес. Хөт тав рүпитас ос тыммаг-сыл манхурип мүйлупсал ос янытлан нэпакыл майлувес. Мүй колт янытлан кастыл ёнгынколыт ййквсыт ос эргысыт. Тот тананылн сымын рөвнэ сав ләтңыт ләввёсыт. Яныгпала хөтпат магыс ты яныг щәгт ҕлыс, тән ат ёрувлавет.

Ос ты тал «Центр социальных выплат» наппа организацият рүпитан махум Юбилей хөталы яныгпала хөтпат тән янытлыяныл. Нэ лавнэтэ щирыл, тән молях ёхтыгпёгыт, хөтпа мүйлупсал маяпияныл, тувыл сысы та минёгыт. Махум каста-лыг та хультёгыт, ты тэла щар маршумыг ёмтыс.

Тувыл элалы таи потыртас, ань мөт павлыт торың рүпата атим. Махум савыңпалэ Хальүст рүпитэгыт. Тот ҕлнэ кол магыс олн ойтэгыт.



Л.В. Кашлатова

Ос прописка ат ҕщнэныл магыс участковый хөтпан штрафыл пинавет. Ты вәрмалит хосыт Любовь Васильевна конференцият кұшаит ҕс китыгласанэ, хумус тананылн ты тэла мұсхал щирыл щёпитаңке.

Ос акв тамле вәрмалит. Любовь Васильевна Хальүс ляпат йис мәтэт община ҕныщи. Тән рүтаныл ёт тот хуль алыщлэгыт, пил вәтэгыт, ләхыс атэгыт, пәкв паттэгыт ос нас ўшлахтэгыт. Хаштәл хөтпат тув нэмхуньт ат ёхталасыт. Вәганьл, ты сосса хөтпат общинаныл йис мәтэ. Ос ты тал нэ хот-ҕшатахтас. Тән йис мәныл ялнэ-миннэ пөх хөтпат пәкв паттуңке ҕвылтахтасыт. Хүрганыл-лүтаныл ёт тотыяныл. Йис ма вөре щар янытэт яласасаныл.

Маныр пәкв ҕлыс, пуссын ёл-паттысаныл ос атсаныл. Тәнки юи-

пәланьлт нэматыр ат хультуптасыт. Ыльпат то-ваньл хот-сакватасаныл. Нэке тәнанылн тыкос лавыс, ты йис тагыл ҕлнэ ма, нас тох тув ёхтуңке ат рөви. Тән щар ат хунт-лэгыт.

Пәкв атнэ хөтпат хөтал сыс хусахкем хұрыг пәкв атыгласыт. Хальүс махум ты тэла хосыт пуссын кантыңыг ҕлсыт. Инспекция хөтпат тән ётаньл ҕс ат вёритэгыт. Любовь Васильевна ты тәрвит урыл савсыр мән пищма ты кос хансыглас, ос ты тэла аквтох та хультыс.

Ань Когалым үст конференция ҕлум порат, Любовь Кашлатова ты вәрмалит пуссын кұшаитн потыртасанэ. Тән ты тэлат мұсхалыг вәрнэ магыс потыр щёпитасыт. Тамле вәрмалит воссыг ул вос ёмталасыт, округ кұшаит пәлыл нётмил вөвуңке патэгыт тах.

Николай МЕРОВ



Любовь Васильевна сосса нэт халт лөли

Салыт урыл суссылтап вәрвес



Мобла Ханты-Мансийскат «Төрүм Маа» музейт рүпитан хөтпат «Олень в жизни обских угров» намаим суссылтап щөпитасыт. Тув ёхталан махум савсыр пормасыл ос хурил суссылтавет, салың колт өлнэ щөмьят өвылтыт матыр-ати пүмчалаңкве вөрмөгыт.


Яныгпала махум вагыт ман ат вагыт, манрыг лүймат өлнэ соссамырыт салы өнышункве ос янмалтаңкве таңхөгыт. Ань ты суссылтапыт хоты нотыт пёс махманув салы өнышункве патсыт, манрыг салы нупыл тән эрпыңыщ өлэгыт ос та сыс салың хөтпат маныр вәруңкве ханышувласыт – пуссын ты өвылтыт тот потыртаве.

Ты коныпал мүй махумн салы өвылтыт сыре-сыр мөйтыт мөйтавет, амщит амщавет. Нйврамыт магыс сав пүмыщ потрыт хансым өлэгыт, тананыл ань ищйпың ут хосыт

хөнтункве ос ловиньтаңкве өс рөви.

Потрыт хансум ос салы янмалтам ёрнхум Юрий Вэлла «Азбука оленевода» мөт хөтпат хаништан магыс хансыглас: «...тыхөтал наң салыянын ёмас, холытан нәнан ёмас ос тыгыл элаль салыт акваг нән колын ханышувлым өлэгыт тах». Тувыл тох та, салың хөтпа өлупсатэ магыс элаль та тотытэ.

Ты суссылтап пүснэныл хөталыт махум катыл пөслум хурит өс кәсаласыт. Тән Наталья Жеманская, Ас-угорский институтт рүпитан нән, пөслувёсыт. Мүй хөтпатн тән



сака пүмчалавёсыт, хурит пуссын мұстысыт. Салыт урыл матыр-ати вәнэ тэлат нән ты музейн ёхталан порат тәра-паттэгыт. Ты суссылтап рөтың юсвой этпос хұрмит хөталэ 2026 тал мус тах рүпиты.

Тамара МЕРОВА



«Ёмвош ёх» ханты эрыг кол сат тәлэ төвлыс



Сат тәл ювле хультум порат Ханты-Мансийск үст өлнэ ханты нэт эргын-йквнэ кол вәруңкве номылматсыт. Та щырыл ты яныг үсувт «Ёмвош ёх» намаим коллектив вәрсит, руш щырыл тав «Люди Ханты-Мансийска» толмашлаве. Ань мән таквс этпос сатыт хөталэт тән сат тәланыл төвлыс. Тынакт окружной Творчества колн тән сав махум акван-атыгләлсыт ос тот мүйлысыт.

Мүйлын махум элы-пәлт «Ёмвош ёх» нэт сат ханты эргыт эргысыт. Овыл эрганылт ханты газетат рүпитан нэ Людмила Гурьева солистыг олыс, мөт акв эрыг Валентина Шевцова (Ерныхова)

эргыстэ. Ты коллективын ань лов савит ханты нэт ялантэгыт. Төват хөт-ати рүпитэгыт, мөтанит пеншиян патхатым өлэгыт. Тән пуссын мән пәвлытыл хосат тыг ёхтысыт, щөмьян тагыл үсн өлмыгтасыт.

Тыт ань ханты пёс наканыл нөх-вөрмалтыяныл.

Ань тананыл янытлан магыс ёхталам махум сав ёмас латың лавсыт ос матарыл мүйлуптавёсыт. Тох окружной Творчества колт кұшай ваңын хум Игорь Билаш янытлан нэпакыл майвёсыт ос эсгувёсыт, тән үст ман округт олыглан ялпың хөталытыт акваг матыр вәрөгыт, сав махумн вәвет. Хоталь ати вөвыглавет ке, кәсашим ялэгыт.

Тананыл Зоя Никифоровна Лозямова янытлас, тав вәнэ эрганэ аквөт хаништахтым тән өс эргияныл. Ань тав мүй махум элы-пәлт акв ойка өлупсатэ урыл эрыг эргыс. Владимир Енов ханты ос мәнщи газетагунвныл хорамың лүпат мүйлуптас ос стихыт ловиньтас. «Төрүм Маа» музей пәлыл Валентин Неттин ос «Хөтал» намба театр пәлыл Варвара Табун эргэгөн эргысыг. Вера Кондратьева мүй махум магыс йильпииг хансум эрге эргыстэ. Тамле ёмас этипала олыс.

Тамара МЕРОВА





95 тәлэтыл янытлылүв!

Хөнтаң мәңщи ойка Анатолий Николаевич Хомяковын яныг таквс этпос 19 хөталэт 95 тәлэ төвлыс. Ты кастыл Половинка пәвлэт, тав вәрум Учинский музеет рүпитан хөтпат ялпың хөтал вәрыгласыт. Ань ты Өвылтыт мәнавн Снежана Изюмова потыр ос хури кётыс.

Та хөталт музейн Анатолий Николаевич рүтанэ, юртанэ ос аквёет рүпитан хөтпат ёхталасыт. Кәсың хөтпа аквёет өлнэ өлупсаныл, тәланыл номылматым сымыңыщ потыртасыт, ёмщакв үнла-хөлсыт. Пёс хурит ос вәти кина суссыт, ты яныгпала мўтраң элум-хөлас тәланэ өвылтыт сәв потыртаңкве рёви. Ойка вәт сәграпнал этпост лов хөталэт 1990 тәлт Учинский музей пўнсыс, тынакт музей рүпитама пәсыл 35 тәлэ төвлы. 1989 тәлт Половинка пәвил мәхмыт ёт акван-нётхатым хөнтлан мән ялум хөтпат кәстыглан мәгыс памятник вәрсыт.

Анатолий Николаевич хөнтаң мәңщит палт өщнэ сыре-сыр пёс пормасыт музейн атсанэ, төванэ такви кәтыл вәрим йильпииг щё-питасанэ, пәвлың мәхманэ ләщал өс ханищтас. Ханты-Мансийск үсн «Төрүм Маа» музейн өс вовиньтәл-вес, тот камка вәрнутэ суссылтас. Пёс порат тамле утыл хўл алыщ-ласыт, хөнтлан тәлыт порат нэ хөтпат тәнаныл өс вәрыгласыт ос тох хўл алыщлым плананыл та төварттасаныл. Камкат ос мөт пёс пормасыт ань туп музейт суссыл-тавет.

Снежана мәнавн таи хансыс, Анатолий Николаевич Хомяков 95 тәлэ янытлан мәгыс Кондинский район кўщай вәңын нэ Марина Минина ёхталас. Нэ Россия Прези-



А.Н. Хомяков ағитэ ағи А. Ерофеева
ёт ос Р.Т. Мотышева

дентув Владимир Путин ос район кўщайныл Алексей Зяблицев кётум паща ләтжанэн ловиньтас. Светлана Лукашеня, «Конда» ййквнэ-эргын колт рүпитан нэ, миркол район культура пәлыл янытлаңкве ёхталас. Округкўщайов Руслан Кухарук кётум янытлан паща ләтҗе мирн нётнэ колт рүпитан нэг Лидия Мойсюк ос Ирина Роговская ловиньтастэн ос мўйлуптастэн. Половинка пәвил кўщай нэ Елена Михайлова ос Междуреченский пәвил кўщай хум Андрей Кошманов өс ёмас сымың ләтҗыт Анатолий Николаевич Хомяковын ләвсбг.

Ойка янытлан мәгыс школат ханищтахтын нйврамыт ёхтала-сыт. Кит ағирищиг «Обелиск» ос «Учинский музей» Алла Копьева



Музей сўмьяхыт

хансум стихотворенияге шар нёт-нэг ловиньтасагён. Роман Колмаков «Над Высоковой горой» эрыг эргыстэ. Ты эрыг Л.Ф. Струсь хансыстэ ос тав эрыгсове шар аквтуп-мат ты пора пёс поратэт акван-хөнтхатым потыртэҗ. Учинский музейн акван-атхатыглам ялпың хөтал сака ёмасыг минас, пёс пора өлупсанылт номылматым вәрмалит такем сымыңыщ потыртавё-сыт. Мәньлат хөтпатн сака пўмыщ өлыс, сәв вёщкат ос мўтраң тәлат вәңкве патсыт. Элумхөласн акваг тәксарыг өлуңкве эри, матыр агт пиным ос номтыңыг тәлат вәрим вос өлы. Мәхум тәрвит поранылт тәнки халанылт акван вос нётхатэҗыт. Өлупса эруптым ос элумхөлас янытлым өлуңкве вос ханищ-тахтэҗыт, төнт өлупсаныл мощ сөтыңыг, посыңыг ёмты тах.

Мән, мәңщи ос ханты газетагт рүпитан мәхум, Анатолий Николаевич 95 тәлэ төвлуме кастыл өс янытлылүв! Тав өлупсатэ мўтраңыг элалы тотытэ, сәвсыр тәлат посың номтыл ос щәгтым вәриянэ. Мән тавён пустәгыл өлуңкве сәв тәл ләвёв, кәсың хөтал посыңыг ос шуниңыг вос өлы, ляпа рүтанэн ёмщакв сунсым ос хўнтлым вос нётаве, такви матыр тахмаян номтанэ тәлаг вос ёмтэҗыт. Пус кәт, пус ләгыл, вос өлы! Нәй-Өтыранэн вос үргалаве!

Тамара МЕРОВА



А.Н. Хомяков музей-колт янытлавес



Няврамытын латың ханищтаңкве нёты

Хумус школат щань латңыт ханищтавёсыт, няврамыт ханищтан хөтпат хумус нётавет, та урыл мән сав тал рүпитам нэ Зинаида Иосифовна Рандымова ёт потыртасүв. Тав Ямал мат ёлы, манылат порат мән округувт рүпитас.

Зинаида Иосифовна, наңти урынтыл потыртэн, хөт самын патсын, яныгмасын?

– Ам рётың юсвой этпос 1957 талт сәлыңколт самын патсум. Омагум-әтягум сәлыт янмалтым нёрт яласасыг. Атям Иосиф Павлович Сязи сәлың хум ёлыс, омам Собь павылт ёлыс, тән хұл алышлан мэхум ёлсыт. Атямн нёрн тот-вес. Мән хұрум няврам – ам, әпщиягум Антон ос Вениамин тот самын патсүв, сәлыңколт яныгмасүв.

Та порат мөт матыр яласан ут әтим ёлыс, пуссын сәлыл яласасыт, пормас, тәнүт сәлыл хартсыт. Ам Павел ёпам потыртәлыс, Салехард-ныл Омск үс мус сәлыл ялсыт. Тот ул матыр вәрмалы ёлыс. Тувыл тән театрын манос матыр культура колн тотыглавёсыт. Хунь пуссын кон-квәлуңкве патсыт, тав тәнаныл вәнтатәлум хум палт пұхтыс, тох пувхатым ёмыс. Мән мэхманув сав мир халт хот-тыпуңкве пилёгыт, тав таимәгсыл руц бйка палт та консыгтахтас. Тамле пұмыщ потыр ёпам та потыртәлыс.

Ам хуньянгыгнув ёмтсум, школат Катравож павылт ханищтахтасум, тот интернатыт ёлсум. Туи порат мән юв вивёв, сәлыңколн тотавёв. Тох та яныгмасүв. Нёлолов класс әстламум юи-пәлт Салехардский педагогический училищат ханищтахтасум. Таве әстласум, элалы ханищтахтуңкве тахсум. Тувыл Ленинград үсн Герцен намба педагогический институтын ми-насум, руц латың ос литература учителиг ханищтахтасум.

Институт әстласум, Ханты-Мансийск үсн рүпитаңкве тётвёсум. Та үст Институт усовершенствования учителей колт рүпитаңкве патсум. Колнакыл майвёсум. Ам кәсың этпос хотты павылн ялантасум, тот ханты манос маныщи



З.И. Рандымова

латың ханищтан хөтпатын нётсум. Мән институт павылт тәнанылн ханищтан программат хассүв.

– Хоты павлытын ялантасын? Маныщи павлытын ёс ялсын?

– Вәим ялсум, ам Хальүс район Кульпас павылн, тувыл Октябрьский район Шеркалы павылт маныщи латың ханищтан хөтпат ёт рүпитасум. Ханты павлытын тай Касум, Тэк, Угут, Аган ос мөт мәтын ялсум. Та порат Угут павылт няврамыт щань латңыл сака ёмщакв потыртасыт. Перемена порат кон-квәлэгыт, әгирищит-пыгрищит халанылт туп тәнти латңыл потыртасыт, тох ты тонт ёлыс. Таимәгсыл мән тонт программат щань латың вәнэ няврамыт мәгсыл хассанүв. Ань тай мөт щирыл вәруңкве эри, сака мощца няврам тәнти латңаныл вәгыт.

Кульпас павылт тот та порат сака ёмщакв маныщи латңыл потыртасыт, тәнти латңаныл вәсаныл. Ханищтан хөтпатын рүпитаңкве



Зинаида Иосифовна Марина әгитэ ёт

күстырнувек ёлыс. Ам та порат няврам ханищтан хөтпат пуссын хөнтыгласанум, аквёт мұсхал щирыл рүпитасүв.

– Зинаида Иосифовна, наң мансәвит тал Ханты-Мансийск үст рүпитасын?

– Ам тал арыгтем рүпитасум, әнумн тот рүпитаңкве сака ёмас кос ёлыс, ос ёлнэ кол тал тәрвит ёлуңкве. Ам тот туп колнакыл майлувёсум. Тувыл ос мән, сосса мэхум, хұл ос нёвыль тәим ёлуңкве ханьщувласүв. Ам Салехардыт колыл миңкве лаввёсум, амти мәмн вөввёсум. Ос номсәлэгум, амти мәмт рүтанум ёлэгыт, пуссын сәлыңколт рүпитэгыт, нёвыль ёныщёв. Хұл ёс тыт мэхманув акваг алыщлэгыт, ювле та миначум. Әпщиягум ёс нётуңкве эрсыг, ам май увщииг ёлэгум.

Та порат тәнүт талон щирыл тыналавес, ёлуңкве тәрвит ёлыс, юн рүтанум халт ёмаснув. Таимәгсыл самын патум, яныгмам мәмн ёхтысум, воссыг нэмхотталы ат ялсум, тыт акваг та рүпитасум.

Салехардыт ос методический колнакт рүпитасум, тувыл научный

центр пүсвес, тот рүпитаңке патсум. Ханты мэхум өлнэ-хүлнэ нак урыл хансуңке патсум, ләтңыт акван-атсум. Сәлы өщнэ урыл ләтңыт хассанум. Ам «Оленевод-ческая культура приуральских хантов» нэпак тәратасум. Школат ханищтахтын нэврамыт мәгсыл словарит, ханищтахтын нэпакыт тәратасум. Приуральский ос шурышкарский ханты ләтңыл ханищтахтын нэпакыт вәрсум. Научный центр 1990 тәлытыл рүпитаңке өвылтахтасум ос тав лап-пантым 2004 тәл мус тот рүпитасум. Тувыл хөт рүпата хөнтсүв, тув ләккв-миныгласүв. Ань ам пенсият өлэгу, үщлахтэгу.

Хунь рүпитасум, тонт аспирантурат Томский университетын ялантасум, таве әстаслум. Ос сәлың мэхум рүпатаныл урыл нэпак хассум, тәратаслум. Та порат өлупсав тәрвитың өлыс, тыглетувле яласаңке олн әрыс, торың ат ойтвесүв.

– **Өйкан ос ханты хум? Тав хотыл өлы?**

– Ам өйкам Виктор Николаевич Рандымов Ханты-Мансийский округныл өлы, тав увщияге-эщяге



Нэврамыт ханищтан хөтпат Ханты-Мансийск үсн акван-атыглавөсыт. 1983 тәл

сака өмщакв эргысыг. Викторум өс ханты ләтңыл эрги, сәв эргыт вәганэ, пөс щырыл эргуңке хасы.

Таве ам амти мәмн тотыслум, тыт акван-минасамөн, Павел ос Марина әги-пыг янмалтасмөн. Ань пыгу аги ос әгим аги мөн палтүмөңхталэ, ам тән палтән ялантө-

гу, нөтыягу, тох ты янмалтахтөв.

– **Наң өйкан щәнь ләтың торгамтэгың? Тән май мөтнүв щырыл потыртэгыт.**

– Ам Касум мэхум потраныл өмщакв торгамтылум, ләтңыт вәганум ос тән щираныл ләвуңке ат вөрмөгу. Тох тай сәв ләтңанув акв хурипат. өйкам сәв пөс потрыт, эргыт, Уй ййкв эргыт вәганэ. Тавөң ханты хөтпат свонитэгыт, хоты ләтың хумус – титыглыяныл. Ань йис мәньлат мэхум мөт щырыл эргөгыт, тән тох ат хәсэгыт. Мир элы-пәлт ййквим-эргим тай өс пөс щырыл хунь! Пөс мэхманув тох ат эргысыт.

Зинаида Иосифовнан яныг пүмашипа ләтың ләвөв. Тав ханты ос мәньщи ләтңытыл потыртан мәгсыл яныг рүпата вәрыс, тав рүпататэ ань нэпакыт, словарит хультыс. Тув сунсым мэхум щәнь ләтың ханищтэгыт. Нэ нила словарь тәратас, тән тыгыл өс йильпииг вәрвөсыт, школат нэврамыт ань та хосыт ханищтахтэгыт.



В.А. Сязи, З.И. Рандымова, Г.Н. Сязи нэврамыт өт пөслүвөсыт

Галина КОНДИНА

Лүймә сәрипос
(Северная заря)
№ 23 (1353), 04.12.2025
Соучредители
Дума, Правительство
ХМАО – Югры
Издатель
Департамент внутренней
политики
ХМАО – Югры

Редакция
ВРИО главного редактора –
Рагимова Н.В.
Телефон (3467) 33-17-52 (д 502)

Заместитель главного редактора –
Кондина Г.Р.
Телефон (3467) 33-17-52 (д 501)

Ответственный секретарь –
Ромбандеева С.М.
Телефон (3467) 33-17-52 (д 507)

Адрес редакции и издателя:
628011, г. Ханты-Мансийск,
ул. Комсомольская, 31
тел./факс (3467) 33-17-52 (д 510)
Е-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:
ООО «Печатный Мир
г. Сургут»,
ул. Маяковского, д. 14.

Индексы **04399, 54399**
Тираж **1710** экз.
Заказ **5034**
Цена свободная

Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.

Свидетельство
о регистрации
ПИ №ТУ 72-00795
от 23 января 2013 г.

12+



Тән ős сәв рүпитасыт

Ятил миртем эруптылум,
Тының мәтем янытлылум!
Потре ёт ам кәстәлылум,
Эрге, ошхуле ёт ам пүмщәлылум!

Пёс мәхум потрыт манос ләтңыт номтын ёхтәгыт, тувыл тән ошхуль потраныл кәстәлым - номсәгын: тән тай, улпыл, тах акваг ёмас олсыт. Тувыл матыр номылматәгыт, ушта кансам осыл ывылтахтәгыт хосат олум вәрмәль урыл потыртаңкв.

Потрум хансылум мәхум потырталам щырыл, кәсың хөтпа такви урәтыл потырталас. Ань тыт ләвианум наманыл – Адина Федосья Степановна, Адина Евдокия Васильевна, Адина Дарья Петровна, Адина Клавдия Ивановна, Пупсиковыг: Татьяна Ефимовна, Анна Сергеевна. Анемгуровыт: Нина Яковлевна, Екатерина Яковлевна, Аксинья Сергеевна. Хәп вәрим олсыт: Анямов Емельян Прокопьевич, Экватэ – Александра Николаевна ос Пуксиковыг экваг-ойкаг – Николай Сергеевич ос Анна Фоминична. Тувыл Номина Пелагея Григорьевна ос мөт сәв мир. Соль, тән потраныл хунтлан юи-пәлт номёгын, тәнт тамле щёмя, улпыл, әтим олыс – хотыют яныг манос мәнь онтас вәрыс.

◆ Ань тай нән, ты йис мәхум, нән рүпатан мән рүпатаг ат ловиньтылүв. Юн рёгың кол кйвырт үнлэгын, ты ман рүпата хунь. Хөтпа нән палтын такви ёхты, пуссын нәнән потырты, хөт маныр мәтә агмың. Нән туп тув әртмын тәрпи мыгын ос ёла-хансумтылын, хаснәйив кәтыт пувуңкв ты мән тәрвитың хунь. Тувыл хотыютын юнтпыл түштәгын – тот ős ёр ат эри, юнтпын такви пәлхаты.

◆ Мән тай тортәл рүпитасүв, такем рүпитәв, щар алпиянув исум рёгыл ащирмат мүлгёгыт, нәматыр ат пөлявөв.

◆ Төнт ләпкат торың ләгыл маснут әтим, хотты мәт ул кос олы, мән палтув ат тыналаве. Ащирма, вөтас хөтал, мәнавн рүпитаңкв эри. Нәмхотыютын атләвавөв юн олуңкв, план оныщөв, планув вәруңкв эри.

◆ Тәлы хөталттай рёгың маснут оныщөв, тувыл түйәг, хул алыщлаңкв, ань йис холыт рёчин сөпак әтим, тох пөлям вит кйвырт та полыщтәв. Витын вәглөв, нйранув тәра та ёсавет, вит нйра кйвырт ләгыл рёгыл исыглы, тувыл тащырыл та рүпитәв. Витныл пәгквәлөв, ләгланув та пөлявет, әращ ляпат олөв, исылтахтәв, оста витын вәглөв. Тәлыиг ёмтын мус ты щырыл ты хул пувөв. Ань тувыл атхунь ләгланув-кәтанув агмыңыт.

◆ Тәлы ёмты, яңк пувтәв, тувыл пөлям колн тув хартыанүв, туй, таквсы хул оныщуңкв та яныт яңк поталыт пәргаталуңкв ман номсәгын-күпнит?!

◆ Маныр хурипа рүпата ат рүпитәлсув, хотталь онтасув, улпыл, ёхталас. Ань пёньщият олөв, матыр нйнь тәнәтем олынлөмтыл ты ойтавөв. Таи пүмәщипа Советский влаштин, олн лөмтыл ойтавөв хуньт рүпитәлмув мәгыс. Атхунь, акван-нётумтахтым ләвёгыт: тортәл рүпитасүв, маныр рүпата ат вәрсүв, акваг маныр квәлтталаве, таимәгыс эри пасан вәруңкв.

◆ Кирпащ вәрсув. Кирпащ ос сорт щырыл пирмайтаве. Овыл сорт кирпащ ос китыт сорт, тувыл элалы тай хурмит ат виве. Кирпащ вәруңкв ős тәрвитың, нйр ләглыл рәкт нйкөв, хунь ёмәщакв әсты ос кирпащ та вәрөв. Тыт я вәтат акван-атыянув, тувыл уляңхәп ёхты, хотталь Хәльүс нупыл тотавет. Мәхум пуссын вәрёгыт: Нйхщам-вөльт, Кимкъясүйт, ты пәвылт тай кирпащ сарай олыс. Туи порат тув сәв мир сәвсыр мәнь пәвлытыл кётаве.

◆ Рүпата сәв олыс. Төва хөтпат саранхәп вәруңкв кётавет Хәльүс нупыл. Төнт олөв, ань йис холыт сәвсыр уляңхәп пормас хартуңкв хунь олы. Таимәгыс яныг саранхәпыт (неводник) эрөгыт. Туи пум тотәгыт, таквсы порат мис, лув то-туңкв. Тәлы ёмты ос лувыңсуныл



Н. Маторова кетум хури

Хулюмсүйт пәвыл

пум хартәгыт, сартын лёңх нйкөв пум сорат мус. Тувыл ос dranka ййв төнт халталәгыт ке, ос эри сохыт товтәл тарыг ййвныл вәруңкв. Таквсы вит нөх-өнтнә мус щёпитыянув, я-ты, тувыл витә өнты, хотталь эрнә мә нупыл та тотавет.

◆ Түйәг хум мәхум пуссын нор сартуңкв кётавет, тувыл хунь яңк нәты ос пор щырыл лөңхаль Хәльүс нупыл та нәтылтавет. Кит-хурум хөтпа та порыт ёт кётаве, нәтылтан мус ләкквә ул вос поварәлөгыт, таимәгыс үргалан хөтпат катер ёт минёгыт.

◆ Потыртаңкв те ывылтахтәгыт, таи маныр рүпата туп ат вәрсит, рүпатаныл әстын юи-пәлт, аквтох ййквнә колн ялантасыт, тән туп ләвёгыт: «Ёнгын колн ялантәв». Төва хөтпат эргёгыт: мәньщи эрыг, руш эрыг. Мәньнув мир та кастыл яласәгыт кәсың пәвылн, ань йис ләвнә щырыл – «выстүпайтым». Тувыл ёнгөв, сәвсыр ёнгыт: туля түйтым, төранув пыгытын хот-түйтавет, товат ювле ат мыганыл. Тәрвитың рүпата юи-пәлт ошхуль, ёнгын пора олыглы.

◆ Туи порат пум вәрнә мән кина тотаве, щар пумканыт ос кинал сунсылтавөв, я-ты, хөнтнәв, насати, әлпыллас – элалы рүпитаңкв минөв. Мәнь мәхум үщилув молях холыгы, таимәгыс элалы рүпитаңкв та минөв, хөтальгыт хөталакве сака рёгың, таимәгыс сэкв торыг та молямтахтәв рүпитаңкв.

Акв ләтңыл - пуссын пәвыл тәгыл мәхум матыр урыл потыртәлсыт, тән щиранылт пүмәщөв, ошхуль пора олыс, тәрвитың рүпата кос вәрсит.

Мария
ДВИНЯНИНОВА